

UNIVERZITET U SARAJEVU- FAKULTET ZA SAOBRAĆAJ I KOMUNIKACIJE

POSLOVNIK O RADU KOMISIJE ZA AKADEMSKI IZBOR

Na osnovu člana 123. st.(8) Zakona o visokom obrazovanju („Sl. novine Kantona Sarajevo“ broj 36/22) i člana 256. st.(1) Statuta Univerziteta u Sarajevu broj: 01-14-35- 1/23 od 26.jula 2023. godine, Komisija za izbor nastavnika u zvanje redovnog profesora na naučnoj oblasti *Željeznički saobraćaj* - 1 izvršilac, nepuno radno vrijeme imenovana Odlukom Vijeća br:01-1591/26 od 17.07.2026. godine, radi provođenja konkursne procedure za izbor akademskog osoblja, objavljenog dana 30.06.2026.godine, na konstituirajućoj sjednici održanoj 23.07.2026. godine, usvaja

POSLOVNIK O RADU KOMISIJE ZA IZBOR NASTAVNIKA U ZVANJE REDOVNOG  
PROFESORA NA NAUČNOJ OBLASTI ŽELJEZNIČKI SAOBRAĆAJ - 1 IZVRŠILAC

Član 1.

Poslovníkom o radu Komisije za izbor nastavnika u zvanje redovni profesor na naučnoj oblasti *Željeznički saobraćaj* bliže se uređuju nadležnosti, način rada kao i druga pitanja od značaja za rad Komisije za izbor u akademska zvanja (dalje: Komisija) u postupku izbora jednog nastavnika u zvanje redovnog profesora na naučnoj oblasti *Željeznički saobraćaj* na Univerzitetu u Sarajevu – Fakultetu za saobraćaj i komunikacije, u nepunom radnom vremenu, po objavljenom konkursu od 30.06.2026.godine.

Član 2.

Rad Komisije se zasniva na načelima: zakonitosti, nezavisnosti, nepristrasnosti, objektivnosti, efikasnosti i javnosti.

Član 3.

U proceduri pripremanja prijedloga za izbora u akademska zvanja, Komisija postupa u skladu sa: Zakonom o visokom obrazovanju Kantona Sarajevo („Sl. novine Kantona Sarajevo“, broj 36/22); Statutom Univerziteta u Sarajevu, broj: 01-14-35- 1/23 od 26. 07. 2023. godine, objavljenim konkursom u dnevnom listu „Dnevni avaz“ i na službenoj internet stranici fakulteta, te službenoj internet stranici Univerziteta u Sarajevu od 30.06.2026. godine, Odlukom Vijeća fakulteta o imenovanju Komisije za izbor jednog nastavnika u zvanje redovnog profesora na naučnoj oblasti *Željeznički saobraćaj* br. 01-1591/26 od 17.07.2026. godine.

Član 4.

Nakon donošenja Odluke o imenovanju Komisije za izbor jednog nastavnika u zvanje redovnog profesora na navedenoj naučnoj oblasti stručna služba/sekretar Fakulteta predsjedniku Komisije dostavlja u pisanoj formi potvrdu o blagovremenosti pristiglih prijava na konkurs i broj prijavljenih kandidata sa naznakom zvanja za koje su se prijavili.

Stručna služba/sekretar Fakulteta prisustvuje konstituirajućoj sjednici Komisije radi otvaranju pristiglih prijava te konstatira potpunost (urednost) prijava u skladu sa uslovima konkursa o čemu izdaje odgovarajuću potvrdu koja čini sastavni dio izvještaja Komisije.

#### Član 5.

Komisija je obavezna da po primitku pristiglih prijava i dokumentacije: a) pregleda sve pristigle prijave; b) ispita još jednom formalno-pravnu ispravnost prijava (blagovremenost, potpunost, potpisanost), c) utvrdi ispravnost dostavljenih dokaza. Komisija je obavezna u skladu sa čl. 236 st.(6) Statuta Univerziteta u Sarajevu, u pravilu, u roku od 30 dana od dana imenovanja dostavi pisani Izvještaj sa prijedlogom za izbor u akademska zvanja, Vijeću Fakulteta. Komisija je dužna pridržavati se zakonskih rokova za pripremu, izradu i dostavu Izvještaja.

#### Član 6.

Na prvoj sjednici/konstituirajuća sjednica, Komisija je obavezna usvojiti Poslovnik o radu koji će urediti način rada i odlučivanja u skladu sa obavezama iz člana 256. Statuta Univerziteta u Sarajevu. Komisija je u svom radu nezavisna. Komisija donosi odluku većinom glasova. Član Komisije koji se ne slaže sa većinski donesenom odlukom može napisati izdvojeno mišljenje, ali ono ne može uticati na većinski prijedlog u vezi izbora.

#### Član 7.

Komisija će održavati sastanke uživo ili iskomunicirati elektronskim putem, s obzirom da su dva člana Komisije sa Sveučilišta u Zagrebu – Fakulteta prometnih znanosti. Konkursnu dokumentaciju će otvoriti predsjednik Komisije na konstituirajućoj sjednici. Konačni izvještaj sa prijedlogom će se dostaviti na protokol fakulteta potpisan od strane svih članova Komisije.

#### Član 8.

Izmjene i dopune ovog Poslovnika vrše se na sjednici Komisije.

#### Član 9.

Ovaj Poslovnik stupa na snagu danom donošenja i objavit će se na web stranici Fakulteta.

#### ČLANOVI KOMISIJE

Prof.dr. Tomislav Mlinarić, predsjednik

Prof.dr. Borna Abramović, član

Prof.dr. Amel Kosovac, član

Sarajevo, 23.07.2026.godine

[Redacted signature area]